



Sud Bosne i Hercegovine
Суд Босне и Херцеговине

Broj: Su-08-365/22

Datum: 26.12.2022. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-364/22 od 26.12.2022. godine u postupku po konkurentskom zahtjevu za javnu nabavku goriva – 09132100-4 i 09134220-5, donosim

ODLUKU

o izboru najpovoljnijeg ponuđača za nabavku goriva

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-364/22 od 26.12.2022. godine, te se Ugovor za javnu nabavku goriva-oznaka i naziv iz JRJN: 09132100-4 i 09132100-4 (benzinsko i dizelsko gorivo) dodjeljuje ponuđaču "HIFA" d.o.o. Tešanj sa sjedištem na adresi ul. Bukva 9, sa ponudom broj: P1187/2022 od 12.12.2022. godine i ukupnom cijenom ponude nakon sprovedene e-aukcije od **3.996,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču "HIFA" d.o.o. Tešanj po proteku roka od 10 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke goriva broj: Su-08-347/22 od 01.12.2022. godine. Javna nabavka je provedena putem konkurentskog zahtjeva za dostavu ponuda broj: Su-08-349/22, a ukupna procijenjena vrijednost javne nabavke je 6.850,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-1-47-3-35/22 od 02.12.2022. godine sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke goriva. Komisija je blagovremeno i pravilno izvršila javno otvaranje ponuda dana 15.12.2022. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda, te o tome sačinila odgovarajuće zapisnike u kojima je utvrđeno slijedeće: da su blagovremeno pristigle četiri (4) ponude ("HIFA", "EOL PETROL", "PETROL BH OIL COMPANY" i "BUCOMERC"), da nije bilo neblagovremeno zaprimljenih ponuda, te da su sve pristigle ponude ponuđača ocijenjene prihvatljivim u skladu sa tenderskom dokumentacijom.

Za ovaj postupak je predviđena e-aukcija. Sve prihvatljive ponude ("HIFA", "EOL PETROL", "PETROL BH OIL COMPANY" i "BUCOMERC"), su unesene na web portal javnih nabavki BiH radi zakazivanja e-aukcije koja je zakazana na dan 21.12.2022. godine. E-aukcija je počela dana 21.12.2022. godine u 12.00 sati a završena je u 13.32 sati. U toku e-aukcije je došlo do podnošenja novih cijena (novih ponuda) ponuđača koji su pozvani da učestvuju u e-aukciji. Nakon završetka e-aukcije sa web portala javnih nabavki BiH kreiran je izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "HIFA" d.o.o. Tešanj sa cijenom od 3.996,00 KM bez PDV-a, drugorangirana je ponuda ponuđača "EOL PETROL" d.o.o. Sarajevo sa cijenom od 4.003,00 KM bez PDV-a, trećerangirana je ponuda ponuđača "PETROL BH OIL COMPANY" d.o.o. Sarajevo sa cijenom od 5.993,66 KM bez PDV-a i četvrtorangirana je ponuda ponuđača "BUCOMERC" d.o.o. Kiseljak sa cijenom od 7.205,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač "HIFA" d.o.o. Tešanj izabran primjenjujući kriterij najniže cijene koja je ponuđena u iznosu od **3.996,00 KM** bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od pet (5) dana od dana prijema ove odluke.

U ovom potvrđujem da je predmetni akt u potpunosti usklađen s važećim zakonskim, podzakonskim i internim aktima na kojima je zasnovan.

Potpis: *[Signature]*, 26.12.2022.

**PREDSJEDNIK SUDA**
Ranko Debevec